

Planirana izgradnja više od 300 hidroelektrana prijeto da uništi rijeke u Bosni i Hercegovini, upozorili su ekolozi u povodu Dana planete zemlje.

-Izgradnja hidroelektrana nepovratno uništava rijeke koje su u Bosni i Hercegovini visokog kvaliteta i većina njih se koristi kao voda za piće. Hidroelektrane negativno utiču na živi svijet, klimu i izazivaju još veće društveno raslojavanje i bogaćenje pojedinaca na štetu građanki i građana - upozorili su članovi Koalicije za zaštitu rijeka Bosne i Hercegovine. Na sastanku u Banjoj Luci na „Dan planete Zemlje“ ukazali su na važnost očuvanja bosanskohercegovačkih rijeka.

Koalicija za zaštitu rijeka Bosne i Hercegovine broji 33 članice iz cijele zemlje koje se bore protiv masovne gradnje hidroelektrana. Alternativu vidi u poboljšanju energetske efikasnosti i razvoju proizvodnje električne energije iz solarnih i vjetro elektrana.

Predstavljena je studija “Ugrožene vrste riba Balkana - distribucija i prijetnje zbog razvoja hidroenergije” i utvrđene aktivnosti i plan djelovanja Koalicije za naredni period u okviru koga je posebna pažnja posvećena poboljšanju odnosa s medijima.

Izvor: energetika.ba